



Selasa, 31 Desember 2024
Ogen : Masmur 40:5-6



Simpar Kal Pasu-pasu Tuhan



Wari enda seh me kita ku bas pengujung tahun 2024 enda. Emaka adi kilas balik kita ku bas perdalanan geluhta i bas sada tahun enda tentu mbue erbage-bage kejadiin si ibentasi kita. Lit kejadiin suka-duka, sakit-sehat, meriah ukur-ndeale ate, tapi sie kerina e me ayam-ayam kegeluhen si la banci si silahken i bas kita nggeluh i doni enda. Amin bage gia si jadi, tetap kita ngataken bujur man Tuhan erkiteken nggo itaruhkenNa kita seh ku bas pengujung tahun enda.

Ayat i bas natsta sendah, e me refleksi pengataken bujur man Tuhan erkiteken perbahanen-perbahanenNa si luar biasa ras pengajuk segelah tetap tek man baNa i tengah-tengah kegeluhen. I bas ayat 5 ikataken sangap kal kalak si ernalem man Tuhan, aminna pe uga geluh enda, ula mobah ukur, ula arapken kuasa-kuasa si banci nehi pemindonta secara instan tapi dampakna ngiket kita ku bas iketen dosa. Emaka tetaplah kita fokus man Tuhan terlebih i bas kita ngalo-ngalo tahun si mbaru.

Ayat 6 ngingetken kita kerna Tuhan nggo ngelakoken melala perbahanen si mehuli segedang tahun. I bas nutup tahun enda, marilah si kira uga lalana pasu-pasu Tuhan simpar banta aminna pe banci saja mbue tantangan tapi kekelengen Tuhan e nyata. Bagepe rencana Tuhan melampaui pengertin manusia ras kiniulin Tuhan e galangsa guna banci ikira. Ngatakensa maka Tuhan e nagangi kendali kerna masa depanta. RencanaNa guna tahun si reh tetap nge mehuli, aminna pe lenga bo si idah ras terantusi denga kerina.

Emaka i bas pendungi tahun enda, marilah kita kerina tetap ngarap man Tuhan i bas bengket ku bas tahun si reh. Si imanken ras aminken rencana Tuhan i bas tahun si reh pe mehuli kap ras tetap seh simparna pasu-pasuNa man banta.